

李文饒文集卷第十七

會昌一品制集

密狀

論遊幸狀

論討襲回鶻狀

論幽州事宜狀

論田群狀

論劉稹狀

論鎮州奏事官高迪密陳意見二狀

進任畹李丕狀

奏續問得高文端賊中事宜四件狀

論天井翼氏事宜狀

論沼州事宜狀

論回鶻事宜狀

進振武節度使李忠順狀

論潞府事宜狀

論昭義軍事宜狀

論遊幸狀

人君動法於日

右臣竊見近日陛下畋遊稍遠還宮近夜伏以人君動法於日故日出視朝日入宴息古人云將旦清風發群陰伏君以臨朝不牽於色日將入侍君處房有常節伏望陛下深察古人之言向後遊幸不三侵夜

人君動敬天道

古以人君天之所予當宜奉順天道亦猶人臣之事陛下常須戒慎臣雖暗昧不知天道近頻見中朝人說自秋已來五星所行稍失常度此皆天意慙勤儆戒陛下毛詩云敬天之渝無敢馳驅又古人云動人以行不以言應天以實不以文伏惟陛下稍節馳驅以順天意

以前臣伏蒙陛下自遠鎮授之鈞衡若畏避不言實負恩德不敢對諸宰臣論奏謹具密狀以聞不任惶惧迫切之至

討襲回鶻事宜狀

李衛公文集 卷十七  
右臣頻奉聖旨緣回鶻漸逼把頭烽早須討襲兼如  
何取得公主者臣久經思慮非不精詳回鶻皆騎兵  
長於野戰若在積鹵難與交鋒雖良將勁卒無以制  
勝臣比聞戎虜不解攻城則知除馬上馳突其他並  
不慣習臣料必無遊奕伏道又未會斫營倘令石雄  
以義武馬軍一千騎兼揀退一千騎精選步卒以  
爲羽翼銜枚夜襲必易成功臣夙夜籌度無出此計  
如以爲允伏望各賜密詔處分臣伏望留中不出

論幽州事宜狀

右臣伏見報狀見幽州雄武軍使張仲武已將兵馬  
赴幽州雄武軍使今日奏事官吳仲舒到臣宅臣扶  
疾與之相見細問雄武只有兵士八百人在此外更  
有土團子弟五百人臣問兵馬至少如何去得仲舒  
答臣云只繫人心歸向若人心不從三萬人去亦無  
益據此說即是仲武得幽州人心又云張絳初處置  
陳行泰之時已曾喚仲武欲讓與留務是衙門內一  
二百人未肯仲武行至昌平縣去幽州九十里却令  
歸鎮臣又問萬一入不得即有何計仲舒云幽州軍  
糧並貯在媯州及向北七鎮若萬一入未得却於居  
庸關守險絕其糧道幽州自存立不得伏以陳行泰

張絳皆是邀求符節固不可比仲武先布款誠俟朝廷指揮因此拔用必能盡節加之恩寵亦微有名緣在假未獲面奏謹先密奏伏望留中不出

### 論田群狀

右臣數日來竊聞外議云田肇緣田群抵法不食而終義動人倫無不傷歎伏見後漢時河間尹入潁川人史玉皆坐愆人當死尹次兄初史玉母渾皆詣官曹來代其命因縊而物故漢帝哀之並赦其死既有故事敢不密陳臣若於中書公論必外爲人傳說臣對諸宰臣不敢議及此事今手狀陳奏實願發自天

元必真中外人心無不感悅臣與田肇兄弟唯識

面未嘗交言班行具知非敢謬妄况臣年近六十位奉三公唯願竭肺肝上裨聖德豈敢稍涉情故罔惑聖聰此狀願留中不出

### 論劉稹狀 太原狀附

右臣適見度支報狀王宰已似納其情款發使之時不以先聞便受表章欲自擅招撫之功昔韓信破田榮李靖擒頡利皆是納降之後潛兵掩襲只可令王宰失信豈得損朝廷武威建立奇功實在今日必不可以太原小擾失此事機緣內養尋常克使恐節將

未便承稟伏望降供奉官今日便起行營自看進軍  
掩其無備兼許三軍儻立除勲必比諸軍倍加賞賜  
如劉稹已出潞府須令全家面縛兼郭誼劉公直張  
谷陳揚庭李仲京等面縛即受領如劉稹自来却令  
送回輒不得受兼要降供奉官至晉絳行營密諭石  
雄若王宰已納劉稹即石雄無功可紀累經大陣自  
當矢石垂成之際須自取奇功便看齊入勿失此便

### 太原

右太原只是貧虛犒賞不足從前人心忠順况一千  
五百人豈足爲事必不可姑息寬縱况兵事未罷深  
慮所在動心望賜李石詔止令身赴行營於側近行  
兵討亂兼遣義忠却赴太原許罪其首惡其餘一切  
不問若兵力可及便須翦戮頃年張延賞在西川因  
張朮作亂走至漢州却得入成都今令李石且依有  
兵處却入則不損朝廷威命兼不妨榆社有兵望降  
使處分

以前件臣緣假日兵機切速不暇與李紳等參  
議謹密狀奏聞如蒙允許便望今日

論鎮州奏事官高迪陳意見二事狀

請官軍  
回避倫

兵處  
不戰

右高迪稍賊中更無他計只是潛抽兵併向一處排陣引官軍索戰官軍即須探知若坎城寨來即要與戰如不來並不要將兵逼逐緣偷兵併來停住三日不得即須却歸本處但三四數度不與戰即賊知官軍覺其情計自然喪氣如此不得便宜後必軍人別有變故每度出軍排陣官軍便逼逐與鬪皆是落賊奸計一度小得便宜後知官軍三箇月瘡痍未復即撤兵又向別處切要王宰石雄義忠常密遣細作探偵知諸處抽兵來即不要戰知抽兵却兵虛處即入兵攻討但常如此支敵萬萬不落便宜

請令鎮州魏博深入下營要分賊勢

右高迪稱鎮州魏博兵馬至多並未分得賊勢緣不離舊處下營一兩箇月一度將兵深入燒掠村間驅討牛馬與乞火相類賊中並固守城邑外有村間牛馬賊亦不惜今須令鎮州兵馬移軍下寨扼其要害每移二三十里即得魏博即須令早過漳河若且如今日下營處賊中都未忙忽灼然分賊勢未得又云河北節度使朝廷若會其情甚易驅使每賜詔切要好言誥優獎彼此不要令知與元達詔即須云一切委任元達與弘敬詔即云一切委在弘敬但稍示親

信必自盡心

以前謹具如前高迪雖是河北軍將臣每度與言頗似忠信盡望付翰林約此意賜元達弘敬王宰石雄義忠詔所冀速平殘寇謹錄奏聞謹  
處

任畹李丕與臣狀共三道

右臣緣小寇未殄前月未與河中留後任畹委曲令轉問李丕有何方畧一一條疏報今得任畹書并封送李丕狀兩道並謹封上進其李丕狀一道論請依前取黃澤嶺路斷賊要害臣近訪知魏城路又拘

嶺東西經五月十四日陣被賊掘坑塹至深必死  
兵不得古人云戰不勝則易地而處伏望密詔義忠朝清潛移兵取黃澤路掩其不備得否令予細籌度如可去便候進止事貴神速須務至密機計儻漏還備隄防其一狀請令諸軍各齎十日乾糧深入過險此亦是用竒之計伏望約此意賜石雄王逢詔令如此排比石雄就河府王逢就絳州各曬乾糧緣日色猶烈數日可致兼各賜度支側近軍糧米一二千石尤冀集事臣緣寇孽未剪每得四遠文狀皆願一一上聞頻瀆宸嚴不任惶惕伏望留中不出

續得高文端賊中事宜四狀

一高文端稱直下打澤州城恐損官軍兵馬緣賊兵  
 緣有一萬五千人常出一半已上於四面山谷  
 埋伏待官軍打城困乏即四面齊來救援恐落  
 賊奸計其陳許軍請過乾河北逼澤州更下一  
 寨城一連接便築鹿項夾城但從一面起手圍  
 遶澤州每日常須大兵排陣四面抵敵賊救兵  
 賊心危急恐被圍合必有大戰待賊軍退敗來  
 勢便收澤州如此則不損官軍免落奸計伏望  
 依此詔示王宰

一請令王逢進軍取賊回鎮兩寨但兩嶺上排陣直  
 抵賊回鎮寨當川亦須着兵亦抵賊寨緣固鎮  
 兩寨四面懸崖官軍便打必恐損人難收其賊  
 寨更無井水盡喫泉水在寨東南澗內約一里  
 已來但逼賊寨三兩日絕其取水路賊軍無水  
 可喫即須拔寨逃走官軍便可進固鎮東十五  
 里是青龍寨在嶺北側上四面並是懸崖取水  
 亦在寨外還依固鎮寨絕其取水路即得青龍  
 寨東去沁州十五里城寨至牢固賊兵約一千  
 五百人內五百人土軍團練全安慶有頗伏望



依此詔示王逢

一長橋賊都頭王釗約將一萬兵今在潞州城內緣  
劉稹處置却失天井關都頭茂卿一門又處  
置却邢洺兩州救援兵馬使談朝清兄弟三人  
王釗自此疑懼劉稹差親器仗官賈少遇追王  
釗入潞州並不伏追官健一時叫闕王釗已持  
兩端必不肯爲劉稹用命本是潞州子弟見有  
兄弟數人在軍材能最出於衆若招降至多必  
恐願惜家口又官健投降後爲諸軍所殺亦恐  
非願唯密將意與王釗令將一萬人却入潞州  
處置得劉稹別與一道節度使兼與檢校高官  
更別賜錢物高文端云官健受苦日久朝夕難  
過家屬盡在潞州若遣回軍必皆情願臣恐弘  
敬不知王釗不伏劉稹追呼伏望專降中使密  
賜詔示令依此速致意與王釗取其回意聞奏  
河朔多異色人若遣傳意計合必達

一臣問高文端賊中誰人作急高文端云潞州城內  
卽有郭誼王協張谷向外卽劉公直臣先得元  
龜狀稱劉公直曾事王晏平常依倚於王宰伏  
望詔王宰令百方將意與劉公直若肯回戈却

取劉稹亦許別與重官酬仍別賜錢物

以前謹具如前昨日高文端到宅辭臣因子細問得賊中事宜兼共商量計策皆似可謹

錄奏聞謹奏

天井翼氏事宜狀

右臣昨日晚見鎮州奏事官高迪云向前已曾向臣言軍中密事今更有切事要言於臣請不令王昉知今山東三州歸降已平了天井翼氏却須令堅守城寨不得與戰不二十日內必自變生緣賊已窮蹙不可更逼著恐其計窮必爲濟河焚舟之計一人敵十

人之命官軍與戰必恐不利若萬一小衄却恐延賊旬月之命緣臨洛已投魏博當遣兵馬過來不得請召弘敬速撥兵取臨洛路便扼武安潞府知山東兵來必梟擒劉稹向聞臣伏見高迪之言至忠至切伏望速賜弘敬王宰石雄詔處分謹密狀奏聞伏留中不出

洛州事宜狀

右適徐乃文將弘敬委曲呈臣似憂朝廷處置洛州亦未得所臣細問其故徐乃文云安王已送啓狀與王釗高元武又歸投王釗即日有二萬六千人甚得

軍心都頭盡皆畏伏取郭誼未得已前且要令在洛  
州勾當緣歸降人皆未甚安忽恐惜留王釗未肯放  
出萬一有此終不如無伏望速降使賜弘敬詔看彼  
事宜如王釗出彼未得且令勾當待盧鈞到後令赴  
聞不遲崔叔途是王釗下都頭甚有膽畧昨來嘗謀  
歸國盡是叔途王釗未出已前弘敬意且欲留叔途  
今在關下伏望於安省安置其弘敬委曲謹封進上  
委曲中所云中丞是李回謹錄奏聞謹奏

回鶻事宜狀

右自劉稹平後臣久欲奏聞請降職事情中使宣諭  
仲武令早滅却殘虜兼探仲武見劉稹平後有何言  
說兩度緣延英論事校多未及陳奏昨日奏事官論  
特言到傳仲武語與臣近稍得回鶻消息人心頗有  
離異緣可汗欲得接安西其部落百姓皆云骨肉盡  
在向南願投國家又云與室帝已不得所據此時勢  
即合歸降不然自相破滅伏望因此機便特降供奉  
官有才識者充使兼賜仲武詔諭以劉稹已平天下  
無事唯殘虜未滅常繫聖心仲武猶帶北面招討使  
合為國家了却殘虜成此功業令趨於鎮魏朝廷酬  
報必極優崇料仲武全美兩道立功皆加寵位又知

朝廷內無寇孽足得捍邊仲武是見機之人必思自  
効令取歲內百計招降兼示以優待可汗必令得所  
緣國家與回鶻久爲敵國結怨已深雖近方戢兵終  
須早有經略且令招誘最謂得宜臣謹密狀聞奏此  
狀望留中不出

振武節度使李忠順與臣狀一道

右今日振武奏事官間立弘到云却收到河東沒落  
官健楊惟清等二人稱回鶻可汗在天德北三百里  
已下臣昨日已見李思忠下軍將閻顯說思忠意緣  
朝廷册命黠戛斯恐回鶻可汗必懷疾妬與諸小蕃

合勢遮截漢使請令漢兵且於天德住待計會黠戛  
斯兵馬迎接方可進發今忽近天德已似有驗其邊  
界事宜李思順皆自有表進訖李思順別有狀一道  
稱回鶻合祿等一人投降嘗得款云可汗見在兵  
只有一千五百人衣甲約六七十領角有三隻鼓有  
四面每度與諸蕃打得羊馬數亦至少旋自分却據  
此通款事皆諸實李思順疑蕃人詐妄未敢奏聞其  
別狀謹封進上伏望聖慈早加警備以戒不虞臣此  
狀請留中不出

潞府事宜狀

右臣伏見報兵馬不肯發赴振武閉城叫反古人云  
敗軍之氣沒世不復今潞府乘破敗之後又失天險  
只是憚於征後豈敢更爲逆命亦恐是盧鈞姑息太  
過軍人知其畏懦因此生心然亦須及其事初預爲  
之備臣比見叛亂之地皆是制置太遲及朝廷徵發  
賊已處處設備兵漕云疾雷不及掩耳又云用兵只  
開拙速不聞巧遲去春楊弁便是速討之力旬日而  
平望賜王宰密詔令府城下揀四千人縱縱排比如  
已聞作亂不要更待詔旨令一千人守石會閔令三  
千人取儀州路把斷武安緣軍糧兵馬多在山東但  
遣邢州不通自然駐旬月不得邢洛之心未可保  
望宰詔王縱溫士各令自守不得出兵唯要與武  
安路太原兵馬遙爲聲援最切在令山東斷絕卽立  
可知剪縱萬一無事不妨且賜密詔王宰先知石雄  
勇於赴敵計亦知警急必便澤州亦要賜澤州詔守  
並須用河陽兵馬不得用昭義舊人亦要賜秦甫詔  
知有警急發馬步一千人赴晉州屯集以防越軼臣  
累慮所及不敢不便奏聞伏望留中不出

論昭義軍事宜狀

右適魏博奏事徐廼文見臣云昨日聞三道使出城

道往魏博恐令弘敬出軍却慮三州不安實非穩  
使臣當時說何聖意只令石雄至潞州界有搜索惡  
人恐三州未諭朝旨知弘敬忠盡故令中使先往遣  
弘敬安存三州並不徵發廼文稱若如此處置至爲  
切當緣涉縣正當山東系口絕是要地有鎮兵五百  
人已下去潞府一百六十里軍糧至多潞州官健月  
糧皆在此請受恐潞府叛兵急則投竄涉縣搖動三  
州切要國家先遣兵把捉此鎮有昭義舊都押衙焦  
長楚是本軍舊人劉從諫降黜令往山東今在邯鄲  
若朝廷特賜一詔令鎮守涉縣兼把捉潞河徼子  
至爲穩便如焦長楚不可委信朝廷專揀一武將速  
去亦得古人云耕當問奴織當問婢蓋以其雖是下  
賤能識耕織之故臣不諳澤潞界內山川見廼文所  
說稍似有理不敢不便密狀聞奏望賜留中不出

李文饒文集卷第十七

李文饒文集卷第十八

會昌一品制集

進獻

進上尊號玉冊文狀

進上尊號玉冊文狀

進真容讚狀

進幽州紀聖功碑狀

進黠戛斯朝貢圖傳狀

進侍宴詩一首狀

進新舊文十卷狀

進瑞橘賦狀

進西南備邊狀

辭讓

辭官表

讓太尉第二表連批答

讓太尉第三表

讓官表

讓司空後舉王起自代狀

加司徒請停冊禮狀

請改封衛國公狀

為星變陳乞狀

讓張仲武寄信物狀二

進上尊號玉冊文狀會昌二年

今月二十一日奉宣令臣撰文者臣聞王充云古之帝王建德者須鴻筆之臣褒述紀德又揚雄云廊廟之上高文曲冊用相如臣本以門蔭入仕不由進造之選獨學無友未嘗琢磨然心好藝文老而不倦近加衰病久廢含毫祇奉渥恩實懷榮懼謹以撰訖謹連封進不任兢惶隕越之至謹錄奏聞伏候勅旨

進上尊號玉冊文狀會昌四年

奉宣令臣撰文者伏以陛下聰明神武高穎石玉伐



罪成功清和六合雖有鴻筆猶難措辭况臣從吏多年文業久廢克勵疲病莫副殊知祇荷明恩倍懷兢惕謹以撰訖謹連進上不任榮抃惶越之至謹錄奏聞伏候 敕旨

進真容讚狀

奉宣令臣撰者臣幼習儒風莫能勵已長從吏後無所成名雖嘗忝禁林獲掌綸命學旣慙於刻鵠文有愧於雕蟲陛下假以恩光常加寵餽賜令撰述益荷榮但以談天者豈測其高酌海者莫知其廣聖功神武膺德文思雖欲贊揚實撰不逮今已撰訖謹連進上塵黷嚴扈無地自容不任兢惶榮抃之至

進幽州紀聖功碑狀

奉宣令臣撰述者北狄強悍勇於四夷前代聖王莫能制伏昨者回鶻雖乘危蹙勢已內侵豺狼之師尚餘十萬陛下神武雄斷智出萬方震天威以霆聲碎挫戎而尾解武功盛烈高穎有王豈比周穆大戎之征荒服不至漢武馬邑之詐群帥無功將垂耿光宜命鴻筆臣學藝荒淺久病殘衰紀軒后之功徒知竭思叙唐堯之德終愧難名採其功狀稍似摻實今已撰訖謹連進上輕黷宸扈不任惶越謹錄奏聞

進頡戛斯朝貢傳圖狀

臣二十一日於延英向奏呂述等准敕訪黠戛斯國也風俗編為一傳今修撰已成稍似詐備臣伏見貞觀初因四夷來朝太宗令閭立本各寫其衣服形貌為職貢圖臣謹令畫工注寫注吾合素等形狀列於傳前兼臣不揆淺陋輒撰傳序所冀聖明柔遠之德高於百王絕域慕義之心傳於千古輕黷宸嚴伏增兢惧謹封上進

進侍宴詩一首狀

伏以六合清和四夷慕義芳春令節錫宴群臣見露之晞陽喜薰風之解愠萬心歡樂累日忘疲伏惟陛下睿德日新文章天縱詞高黃竹思縈白雲含毫而瑞景揚光摘藻而非烟動色臣早司綸綍嘗忝內庭雕蟲薄枝實感憲宗穆宗文宗知獎不測不揆淺薄輒進詩一首輕黷宸嚴伏增惶惕謹隨狀奉進

進新舊文十卷狀

四月二十三日奉宣令狀臣進來者伏以楊雄云童子雕蟲篆刻壯夫不為臣往在弱齡即好辭賦性情所得衰老不忘屬吏職歲深文業多廢意之所感時乃成章豈謂擊壤庸音謬入帝堯之聽巴渝末曲猥

蒙漢祖之知跼躅慙惶神魂飛越謹錄新舊文十卷  
進上輕黷宸嚴

進瑞橋賦狀

今月十九日聖恩賜臣朱橋三顆者伏以遠自湘山  
移根清禦蒙雨露之渥澤比日月之休光始發素榮  
俄成丹實誠宜奉金華之宴助玉食之甘豈謂恩及  
賤微獲觀嘉瑞臣久參綸命常効雕蟲仰荷皇慈輒  
獻小賦輕黷宸嚴倍積兢惶臣又伏見玄宗朝種柝  
結實宣付史館祖宗故事敢不奏聞其賦謹隨狀上  
進臣不任感恩踴躍之至謹奉狀以聞

進西南備邊錄狀

伏以犬戎歷代爲患國之枕讐南蠻自經負恩常懷  
反側西蜀兩路實繫安危臣頃在西川講求利病頗  
收要害之地實畫經遠之圖因著西南備邊錄十三  
卷臣所創立城鎮兼畫小圖米盞噐甲魚不該備昔  
蕭何收瘠覽第四卷叙維州本末尤似精詳所冀聖  
慈知臣竭力奉公盡心立事所至之地不敢苟安輕  
黷宸嚴伏增戰越

讓官表

臣某言伏以臣之事君猶子之事父若情有所隱志

在苟安不自披誠即為冒寵臣某誠皇誠恐頓首頓  
首伏惟仁聖文武至神大孝皇帝去利用相有大舜  
之功柔遠固存臻漢宣之理故得王道正直海內邊  
泐底寧干戈永戢文明之化方致雍熙螢燭之光所  
宜自息豈敢虛矯上負君親臣始自孩童常多疾病  
逮於壯歲猶甚虛羸屬瘴間江南荏苒八歲移鎮巴  
蜀晉尾三年暑濕所侵遂成沉痾患風毒脚氣十五  
餘年服藥過虛又得渴疾每日自午已後瞑眩失常  
形骸僅存心氣俱竭唯恐晚歸私第殫盡道途臣伏  
見國史岑文本受委既深形骸頓竭太宗嘗謂左右  
知其將盡常處厚積以虛憊不早退身侍立之時什  
於王堦之下臣竊以二臣為戒不敢違安所冀陛下  
弘太宗之仁不軫念於無及臣得延處厚之數免自  
從於明時伏望陛下察臣懇誠矜臣衰耗得罷繁務  
退守州行稍獲安閑漸自頤養一二年後或冀有瘳  
臣儻餘齡尚存筋力未朽必當灰身粉骨上報聖慈  
不任祈恩之至謹奉表

批卷不錄

讓太尉第二表

第一表舍人撰不錄同日更進此表

臣某言臣今日已進讓表驚寵之心不遑啓處再陳  
恐懇實懼為煩臣某中謝伏見國初已來授此官唯

有七人尚父子儀猶以懇辭而免近者智與載義皆  
超拜太傅太保只緣朝廷重惜此官裴度守司徒十  
年竟不遷授以臣僭越必致顛擠况臣旣無汗馬之  
勞消墜莫効又有負薪之疾曠廢至多唯陛下寵以  
美名榮皆過實而臣覲顏自處竊位偷安非止獲朝  
野之譏實恐受神明之譴輒披丹款猶冀聽從伏望  
息罷新恩且守舊秩不任祈恩迫切之至謹再奉表  
以聞臣某 云云

省表具知我文祖有文貞房社左右前後若日  
月照臨緝熙帝圖肇顯天祿異代同德建勳垂  
休克相映射光集大命功居第一節貫在三神  
開智謀識洞睿察用變龍之道振堯舜之風懸  
衡不欺朗鑑能燭乃者軍抗狂屢參剪伐之權  
頑童侵虐啓平殄之策替我獨斷挺身群疑子  
房潛運於先機張華堅執於必克制變兵事訂  
謨國經畫則共議公朝夜多不寐私室輝發綸  
綍揣摩典章弼亮五年風雨一志剛健不倚謙  
尊益光見吳芮蕭何之心盡食粟飲水之節今  
邊烽息照兇首已殲允賴疇咨克平夷夏特寵  
槐庭之拜伴崇鳳沼之榮巍巍三台耀映千古

李衛公文集 卷十八  
未為寵亦繼有讓章體朕至懷宜斷來表所謝  
知

讓太尉第三表

臣某言臣聞廟器不盈周公戒其必覆馬力已竭顏氏知其必顛臣竊感之以憂以蹙臣某中謝昔子文避祿竟之逃死冷塵辭鄉迫於懼禍伏以上公亢極本待勛臣其間或授時賢皆是元老臣旣非耆艾又乏戰功奉宸筭而曾靡運籌假英威而未嘗推轂有何勞効蒙此殊榮夙夜自思至今戰汗伏見廣德二年九月十七日代宗受尚父汾陽王此官三讓而免至人歷十四年閏五月三日德宗再申前命重受尚父不許陳讓三載而終臣竊思尚父十五餘年得延光寵豈非牢讓而致隲所持昨者恭惟聖獎至深恩意加等祗受典冊未敢固辭臣伏念齒髮雖彫心力猶壯實願替陛下升平之運見萬方仁壽之期東封告成大典咸備然後散金娛老歸守丘園會全盛時不忍自便所以再陳懇款上瀆皇明竭至敬而不敢繁文陳至誠而不為飾讓心懇詞直庶獲聽從伏望特追新恩却守舊秩臣不任懇迫屏營之至

省表具之褒德賞功禮經備舉疇庸眷効國典

攸存昔子儀以外止軍功所宜牢讓今卿以內  
匡時政非合固辭况道濟公忠才兼文武弼諧  
五載始終一心頃以虜寇初平纔息戈甲旋又  
潞童怙亂須議翦除唯卿竭誠與我同志晉武  
平吳之計全在張華漢高鎮俗之謀誰先周勃  
所以舉茲寵秩用答元勛恨更無官以償忠節  
且三載考績猶進律以甄勞况五兵成功無超  
位而表異自予遷授非限常程式示恩榮允符  
公論是宜贊傑用佐經邦王祥之碩德當任楊  
秉之貞廉稱職未酬萬一無至再三勉服官常

宜斷來表

讓官表 批卷不錄

臣某言臣聞道不欲盈玄祖之至誠人惡其上魯史  
之明規旣以迫於愚衷敢慮動而生悔臣某中謝臣  
頃居宰弼獲戾於時旣望泪以懷沙甘赴湘而溺死  
自謂永違白日莫覩青天雖文宗墜履不遺驟分圭  
瑞而微臣傷弓是惧常蹈春冰伏值陛下大明初升  
臨照四海知臣常忝禁署逮事穆宗念已廢之舊物  
憫旣傷之弱羽召自滄海擢授黃閣明德每覆其瑕  
疵至仁常矜其衰疾參贊萬務倏已六年表冕裡郊

再覩配天之禮干戈問罪三見拘原之功所謂有生  
遭逢千載際會徵倚伏之數惟恐罹災思存亡之幾  
所宜知止非慕三公乞骸之請敢希二疏解組之風  
恐去盛時自貽深戚實以久嬰沉痾年漸衰遲宗族  
孤單兄弟衰落先臣松楸近在東國家屬數人皆居  
上國不欲遠離京闕只願歸老田園伏望陛下深鑒  
孤忠特遂丹懇察臣上報聖德不必須在鼎司改授  
閑官優游暮齒所冀自知稅駕魚李斯之歎音便保  
懸輿復帶賢之故事進退惶灼伏地涕零不任兢惶  
感切之至謹奉表陳乞以聞臣某云云

上司空後舉太常卿王起自代狀

伏准建中元年正月五日敕常參官上後三日舉一  
人自代者昔東漢以陳蕃爲三公其讓表曰不憊不  
忘卒由舊章臣不如太常胡廣臣伏見前件官五朝  
著老一代名臣孔門四科實居其首臯繇九德無不  
備包足以變和陰陽允叶人望當唐虞讓德之舉副  
陛下則哲之知伏望察臣至誠之非飾請所冀虞丘  
無蔽賢之咎減文免竊位之譏謹錄奏聞伏候  
敕旨

加司徒請停冊禮狀



臣伏見今月二十二日制書制授臣司徒仍令所司擇日備禮冊命者臣竊位妨賢允宜黜免聖慈寬宥擢授中台跼蹐慙惶若臨泉谷伏以明庭授冊上路乘軒豈可以覩冒之容再塵清廟不稱之服重列天衢爲衆目之所嗤致處士之橫議臣且自愧況在周行人以伐叛之時所宜務簡矣悉之候不可勞人伏見大和四年裴度受司徒平章事故辭冊禮竟獲免從既有近例足得循守伏望陛下察臣懇款皆自至誠冊命之禮特賜停罷臣不任

請改封衛國公狀

臣今日蒙恩進封趙國公承命哀惶不任感涕臣亡父先臣憲宗寵封趙國先臣與嫡孫寬中小名三趙意在傳嫡嗣不及支庶臣前年恩倒進封合是趙郡臣以寬中之故改就中山亡祖先臣曾居衛州汲縣解進士及第儻蒙聖恩改封衛國遂臣私誠庶代受殊榮免違先志如蒙允許望賜帖麻施行臣不任悲懇屏營之至謹奉狀奏聞

爲星變陳乞狀

臣某言伏以謫見于天以懿是在位稽於前史皆有明徵臣某中謝臣才非時須量乖公噐因緣門蔭遂泰

華資出入蕃宣已逾三紀早負素飡之責常愧周行  
 老無黃髮之謀空竊高位夙夜思省冰炭在心近伏  
 見熒惑順行稍逼上相實快天譴以致身爨武德七  
 年熒惑犯左執法右僕射蕭瑀遜位貞觀十五年熒  
 惑犯上相左僕射高士廉遜位國史之內此例至多  
 臣人微才輕位忝上相倘冒恩寵猶自懷安忽至顛  
 擠必傷玄化雖竭誠報國必不愧於明神盡禮事君  
 志實貫於冰雪所慮物忌其滿天與之災跼踖兢惶  
 不知所擬伏望聖慈察臣單緒海內孤根百口童蒙  
 仰臣覆露一門宗祀須臣

特免上公退歸私第

所冀中衢擊壤復比於堯君舊里懸車不慙於漢相  
 臣不任祗恩皇迫之至

張仲武與臣書四紙內一紙信物數

今占月日仲武判官華封輿到臣宅送前件書并信  
 物等已聞奏訖臣素具懇誠曾非飾讓臣登朝序垂  
 三十年未曾為宰相撰碑所悉蓋緣雕虫薄伎已忝  
 榮名不願鬻文更受財貨比見文士或已居重位或  
 已足暮年矻矻為文只望酬報臣心鄙耻所不樂聞  
 大和中幽州刺史李載文撰碑斂取大過軍亂之際  
 怨詞頗甚况今陛下聖明御寓風教鼎新文德邁於

李衛公文集卷十八  
義軒武功高於周漢河朔節將皆竭忠誠允宜示以  
典章令知法度臣忝居台鉉過受殊恩若不守廉隅  
坐厚賂何以仰禪玄化表率庶僚倘以仲武之情不  
可全阻許臣量受一千匹已是乖臣本心伏希聖慈  
鑒臣丹懇仲武書謹封進上臣不任云云

再讓仲武寄信物狀

右高品孟公度至奉宣聖旨緣河朔體太令臣即受  
者伏以浩蕩之功生靈共載擊壤之內謳歌必歸昨  
者藩臣拜章願紀貞石臣謬當臣願獲聖功才力至  
微神武難備莫能相質空愧雕虫豈敢廣受縑素增  
其蕪鄙虧於事體乖臣本心昨日進狀懇辭誠非飾  
讓實以文至淺陋已慙黃絹之工取又不庶益昧素  
系之節愚衷上啓宸鑒未回特降玉人重宣聖旨捧  
戴慙懼進退徬徨臣事君之心實無所隱終希允臣  
誠懇獲守典章使廉儉興行皇風遐暢謹再狀以聞  
臣不任云云

李文饒文集卷第十九

會昌一品制集

謝恩

故事宰相狀並是舍人或敕使節或以抵奠夜須自叙意者即軍狀

謝宣示盟沒斯等冠帶訖圖狀

謝恩賜王元逵與臣贊皇縣圖及三祖碑狀

謝恩令所進異域歸忠傳兩卷序中改元奉敕

撰狀

謝宣示所進黠戛斯朝貢圖深恠于懷狀

謝恩贈故蕃維州城副使悉怛謀官狀

謝恩所進瑞橘賦宜副使史館狀

謝恩讓官批卷狀

李衛公文集 卷十九  
謝恩不許讓官狀二

謝恩收封魏國公狀

謝恩加特進階狀

謝恩不許讓官狀 連宣

謝賜錦綵銀器狀二

謝問疾狀 連宣二狀

謝宣示盟斯等冠帶訖圖狀

伏以漢宣帝時呼韓單于來朝京邑然待以客禮未  
備漢儀至後漢建武二十六年單于慕先人之義歸  
心中國光武修祖宗之業柔服北邊因其稱藩始知  
冠帶厥後綿歷五代僅及千年惟聞征伐之勤莫覩  
來廷之盛伏惟陛下功高漢后威服窮荒不勞七月  
之師坐俟七旬之格故得盟沒斯誓心向闕稽首歸  
忠自獻刑馬之書仍酌留挈之酒永勵臣節以保塞  
垣今則榮以彰纓解其衣毳簪笏就列威儀可觀推  
勁捍之心豈勞戴鶡服禮義之化寧比冠雞鑿于丹  
青益表神化臣等謬參樞近獲覩成功歡抃之心陪  
萬常品

謝恩賜王元逵與臣贊皇縣圖及三祖碑文  
狀

高品楊文端至奉宣聖旨賜臣前件圖等伏以桑梓  
雖存又隔兵戈之地松楸浸遠已絕霜露之思連屬  
承明時逢開泰戎臣効順寰海大同故國山河因丹  
青而盡見祖宗基構尋碑坂而可知祇戴天慈載深  
感泣不任荷恩榮暢之至

謝恩賜進異域歸忠傳兩卷序中改奉勅撰  
奉宣卿所進異域歸忠傳兩卷宜寫賜盟沒斯序中  
仍云奉勅撰者臣才識淺近學藝空虛輕瀆宸嚴方  
懷兢惕豈望聖慈弘貸時假寵光頒賜歸國之臣仍  
榮奉勅之字草木乘雨露之澤皆被鮮輝煙霞照日  
月之光盡成綵繡顧臣瓌陋獲奉殊恩竹帛垂榮傳  
于不朽不任荷恩感戴之至今既奉敕撰序與臣自  
進不同序中已改兩處訖謹同封進上如允聖意伏  
望宣付中書門下

謝宣示進黠戛斯朝貢圖深愜于懷狀

今日欵義行深至奉宣聖旨卿所進圖傳深愜于懷  
者伏以陛下大化神明百蠻震疊故遠夷慕義萬里  
來朝誠宜圖以丹青錄於編簡傳之千古以輝威靈  
臣學術空虛文藝淺薄輒爲傳序莫究聖功陛下延  
納微誠特賜宣示寵渥所及縉紳爲榮不任荷恩感

戴之至

謝贈故蕃維州城副使悉怛謀官狀

伏以遠夷率服大國綏懷一失良圖千古不復悉怛謀仰天歸命空壁求降據其款誠已絕羗戎之望執之爲戮實傷義士之心受降之時臣與其盟詎力不能捄心實懷慙運屬聖明合甲幽枉輒敢論奏豈望聽從陛下用周文之心已同葬骨念汧城之枉仍賜策書臣忝補鈞衡嘗居戎帥仰感玄造陪有群情臣不任云云

謝恩所進瑞橘賦宣付史館狀

高品劉傳奉旨賜臣批示以臣所請宣示史館特賜允從者以橘性不遷楚詞所載聖情封植禁籞結根此六合同風九州共貫之應也玄宗朝種柑結實亦是乘太平之休氣道德之仁風事協祖宗實光簡冊臣目觀佳瑞慙無潤色之工心感玄猷莫盡揄揚之美豈謂天慈曲被特允微衷擊壤庸音獲知於皇鑒雕蟲薄伎謬列於青編千古光榮百生何幸不任感恩踴躍之至謹奉狀陳謝以聞

謝賜讓官批荅狀

高品馮至珣至奉旨聖旨并賜臣批荅以臣昨所陳

請未賜允從者蟬蛻淺命未報君恩犬馬微誠敢忘  
臣節迫以服藥瞑眩抱疾沉羸心力衰殘形氣減耗  
承許俞之命或慮聞遺忽奉密之機實憂不逮輒陳  
誠款冀或聽從陛下特降綸言再加褒飾德音撫慰  
自合忘生瘡痍至深豈敢言病謹當策勵疲蹇上副  
天慈竭盡肺肝以修官業不任荷恩感戴之至

謝恩不許讓官表狀

今日行深紹宗奉宣聖旨卿大尉官自朕意與不是  
他門僥求而不得要更引故事辭讓者臣跪受聖旨  
惶灼無地臣昨者以位高疾仆器滿忘顧實懷誠  
之憂敢喜在閭之賀輒陳微懇退積慙惶陛下察臣  
孤立事君寵拔皆由於睿監一心守道進取不近於  
回邪勉以至公絕其辭讓臣敢不祗奉明詔克勵貞  
規慕孔父益恭之誠遵叔敖愈卑之志豈比罪無所  
禱孫賈黜於聖人久不自安崔烈詢於厥子仰思瞻  
宸倍積光榮不任荷恩感激之至謹奉狀陳謝以聞  
謝恩不許讓官表狀 兵罷後上表

行深紹宗奉宣聖旨豈政理有失風俗有乖何遽退  
辭一二年分憂不用進表者伏以自古臣得其君最  
爲難遇非龍顏英王良平無以効其謀非日角聖姿



冠鄧莫能申其志則知致理不由於臣力成功皆系於上心伏以陛下明過高光德侔天地常制勝於千里之外動合機先不取材於三傑之臣皆躋慮表故能征伐必克擒蹤無遺臣謬忝鈞衡親稟神筭竟微獲兇之効內展指蹤又無汗馬之勞外施武力每奉聖詔屢獲丹誠夙夜自思冰炭交集况今四表無事六氣斯和蕭艾可致於治平文軌盡同於玄化時雨旣降浸灌何施鴻明照臨燿火宜息昨者輒陳誠懇上黷宸嚴所冀守介石之誠或能回日寧敢慕揮金之樂取適當年陛下至德矜愚深慈宥過寬其罪

重降恩私唯願盡螻蟻之生勉自陳力豈復顧蟬蛸之命更徇微衷上戴皇明尤增覲懼臣不任云云

謝恩加特進階改封衛國公狀

奉本月二十七日敕臣封衛公者仰戴天慈獲遂私懇以感以泣榮暢載深伏以支庶嗣侯雖存故事玄成以兄有譴乃紹扶陽之封耿霸以父屬愛遂繼牟平之爵開元中蘇頲特封許國公亦無襲字然地居嫡長受則無嫌伏思亡父先臣開國全趙亡兄已經繼襲未傳臣每念貽謀豈宜不正若苟安殊寵實存幽明輒罄愚衷果蒙聽察况衛國之疆畛審邇叢臺

李德公文集卷十九  
六  
已  
先祖之所成名由茲光大微孫得以塔上實謂至榮  
祗奉寵章益慚非擬臣不任云云

謝恩加特進階狀

伏奉今月十二日制書授臣散官特進者伏以漢氏  
之制勛望優隆則位加特進服以文冕列侍清祠榮  
亞三台品居第一自非學深張禹功重竇融則何以  
膺是寵章允茲瞻望臣器本凡薄才在下幸遭逢聖  
明謬奉樞務近者展采清廟祗事圓丘獲親日月之  
光已竊殊寵又沐雲霄之澤更荷新恩雖臣殞身豈  
能上報惟冀飲水効節介石存誠居若對於神明動  
罔僭於風雨保其一志少荅鴻私臣不任荷恩惕懼  
之至

會昌五年十二月三日宰相對後就宅宣示

謝恩不許讓官表狀連宣

卿所讓夷等奉欲遂願養辭位閑休今者社稷  
安謀系在良平况北虜殘孽未殄西戎國內不  
安除綏靖邊藉卿調鼎遽茲陳退所不忍聞縱  
累陳情終不允遂

今日奉宣縱累陳情終不允遂者臣在再六年徒竭  
丹款竟無一善稍補皇猷覲冒難居屢祈退免回請

則每慮煩瀆口陳則莫盡肺肝頌以懇誠託於同列  
因臣不對得爲上聞豈意天慈矜愚聖德念舊尚取  
涓塵之効未徵尸素之尤累降近日再宣慈旨實恐  
螻蟻之命無以報天所冀盡犬馬之心唯知戀主  
仰戴皇澤倍切微衷臣不任云云

謝賜錦綵銀器狀

中使田獻鐸至奉宣聖旨臣前件錦綵銀器等臣伏  
聞虞舜舞干而苗人來革周穆徂征而荒服不至即  
知王者之功莫大於耀德戢兵安人柔遠伏以陛下  
聖德廣運神武照臨息雷霆之威而蠻夷自服弘天  
地之德而邊鄙乂安臣願以鴻猷播於蕃師因綴古  
今之事度堅忠義之心豈意慈容厚加寵錫班行聳  
聽里閭生光非止闔門之榮實增後代之價仰慚恩  
覆倍積兢惶

謝恩賜錦綵銀器狀

高品劉行宣人宣聖旨以臣撰真容贊特賜前件錦  
綵銀器等臣學非稽古文不逮人徒以運遇聖明職  
叨宰弼宸心何屬榮寵存加得以淺漏之詞上述鴻  
明之德叙帝堯之奇表非可強名讚軒后之英威空  
輒竭思豈謂皇慈曲被厚錫俄霑錦綵煥華麗之文

器物呈彫鏤之妙跪受榮感報効無階臣不任

會昌二年六月二十九日就宅宣并謝恩問

疾狀

卿昨日所上表陳情緣多疾病請退守周行朕已省覽終不允所奏卿實有疾爲復別有故如要<sub>有備陳宜盡肺肝便進狀來况此虜未歸朝廷事切每有料度皆籍規模且三五年間終未令卿離中書忽有奏章實難允遂知實有疾但將息候痊日須強扶持對來仍斷來章</sub>

高品駱遂泰至奉宣聖旨者臣承命兢皇不知所處臣緣抱疾歲久服藥過多形體虛羸筋力不逮實恐妨廢機務轉積憊尤所以輒獻懇誠願辭繁劇每於延英奏事陛下常假慈顏心肺肝懷無所不盡更無他故須有上陳只以衰羸自憂顛仆况臣四海之內孤獨一身唯將赤誠仰戴明主豈敢輒懷願望上負天慈伏望更許兩日將息卽異朝謁臣不任云云

謝恩問疾狀

高品王克諫至奉宣聖旨卿小有違裕昨日於延英回奏乞假將息實疾予懷且善願養當就痊平所要內庫食物及藥物無致嫌疑但具數奏來卽令宣賜

者臣緣常服冷藥十五餘年屬蒲柳年侵衰憊日甚  
風毒脚氣往往上衝頃刻之間心腹悶痛飲食至少  
筋力漸羸所以冒昧上陳請三數日在家將息陛下  
恩深覆育軫父母惟疾之憂德過生成念犬馬至微  
之命恤問稠疊沉痾頃痊臣食物未得更無所聞天  
慈下降感極涕零臣不任云云

李文饒文集卷第十九

李文饒文集卷第二十

會昌一品制集

祈告

武宗改名告天地文

祈祭西嶽文

賀廢毀佛寺德音表

瑞橘賦并序

奉和聖制南郊禮畢詩

郊壇回聖慈召至御馬前詩

寒食三殿侍宴奉進詩

武宗改名告天地文

臣讚承丕緒勵翼七年不敢怠荒以思無逸北制強  
虜東剪叛徒享此鴻名實由玄造常欲述帝堯之典  
欽若昊天修周武之法建用王極成于王道以黜異  
端釋氏之教興於戎狄悖君臣之禮廢父子之親耗  
蠹蒸人殫竭物命宜尼垂訓不語怪神因而漸除咸  
一於正襲前聖之業燦而光明臣之本心諒在於此  
伏以書載五行當被水土名有五義不以山川之稱  
名稍違古典今則循漢宣之故事稟皇祖之詒謀採  
用離明以符土德又臣近因微恙已及二時感此陽  
和物皆暢茂未逢勿藥之喜獨有向隅之憂如臣政  
教不明宜有陰譴刑罰不中未合天心伏願會臣等  
懋許臣改悔永保宗廟以安邦家所疾日瘳平復如  
舊五星度理百福來臻敢不克已厲精祗事上帝洗  
心齋戒嚴奉神祗懇陳至誠仰望照鑒

祈祭西嶽文

惟神作鎮中土據于西陲積高炳靈宅神明之粵少  
陰協德成天地之功恭聞烈祖玄宗御曆末年祭必  
受福秘藏昭寶金刻猶存近者陰澤稍憊宿種未茂  
精意絕達甘液驟零既紆播種之勤已獲流根之潤  
今因報德再竭至誠某續奉丕圖勤勞七載恭已思

道豈敢怠荒屬黠虜南侵震竊朔野兵鋒一舉毳幕  
皆焚潞子嬰兒梟晉魏闔參墟叛將面縛壘門成此  
武功無非幽贊又以釋氏之教出於西夷棄五常之  
典絕二綱之常殫竭財力蠹耗生人黜其異端以正  
王度庶可復古諒非近名屬以忽於所慎寒暑成疾  
曠時且乖於勿藥昧且徒切於求衣如某政教不剛  
宜有陰譴刑罰不中未合天心實希明神許其改悔  
未保宗廟以安邦家所疾日瘳平復如舊昔成湯自  
咎者六零雨消災宋景善言者叁法星退舍至誠所  
感前史昭然誠信不欺恃神正直敢不誓於丹腑

奉明雷敬陳忠懇伏望臨鑒

賀廢毀諸寺德音表

臣某等伏奉今日制拆寺蘭若共四萬六千六百餘  
所還俗僧尼并奴婢爲兩稅戶共約四十一萬餘人  
得良田約數千頃其僧尼令隸主客戶大秦穆護檀  
二十餘人並令還俗者臣聞仲尼祖述堯舜憲章文  
武大弘聖道以黜異端末季以來斯道久廢不遇大  
聖孰能拯之臣某等申謝伏以三王之前皆垂拱而  
理不可得而言也厥後周美成康漢稱文景至化深  
厚大道和平人自稟於孝慈俗必臻於仁壽豈嘗有

外夷之教黜中夜之風東漢楚王英始盛桑門之饌  
淪於左道桓帝更增犀益之飾歸於亂政魏之三祖  
西晉太康雖君非大聖臣非上哲然猶祖尚老莊斯  
教未行三東晉因吳人之佻薄襲孫權之弊政始建  
塔廟乃譯梵書齊梁陳其教浸盛好大不經之說  
陋乃詩書因報拔濟之談隆於仁孝運祚浮促篡奪  
相尋二百年間五變朝市君無殷宗之福臣靡衛武  
之年感驗寂寥斯可明矣高宗神堯皇帝方欲剷除  
斯弊掃刷中區時屬宰臣蕭瑀本梁氏之子孫孽覆  
車之軌轍廢格明詔以迄于今遂使土木興妖山林

增構一巖之秀必極雕鏤一川之腴已布高利鬼切  
不可人力寧堪耗蠹生靈侵減征稅國家大蠹千有  
餘年伏惟仁聖文武章天成功神德明道大孝皇帝  
陛下明紹於天粹合於道黜霸圖而功盛入聖域而  
德優常欲天下之動咸貞於一以一言之蔽思必無  
邪先定宸心獨發英斷破逃亡之彘皆列齊人收高  
壤之田盡歸王稅正群生之大惑返六合之澆風出  
前聖之謨爲後王之法巍巍功德煥炳圖書臣竊位  
樞衡莫能裨益愧無將明之効徒懷鼓舞之心千古  
未逢百生何幸不任抃賀踴躍之至謹奉表陳賀以



瑞橘賦

清霜始降上命中使賜臣等朱橘各三枚蓋靈園之  
 所植也臣伏以度淮而枳由地氣而不遷吹谷生黍  
 信陽和之所感昔漢武致石榴於異國靈根遐布此  
 西域柔服之應也魏武植朱橘於銅雀華實莫就乃  
 吳人未格之兆也考於前史昭晰可知豈非天地和  
 同靈物効祉去蠻夷之陋獲近太陽感王化之盛更  
 承膏露草木尚爾况乎人心漢宣帝宮館山澤意有  
 所感必詔近臣賦之臣幼學為文忝列樞近稽首獻

賦曰

羨南州之嘉樹受烈氣於炎德固一志於殊方遂不  
 遷於上國貞素凝碧謁湘岸之夕陰華實變黃動江  
 澗之秋色雜丹楓於溪畔映綠篠於巖側翡翠以之  
 列巢鸕雛於焉棲息雖同霑於雨露竊自得於彫飾  
 終獲譽於皇明豈因人而羽翼感洪鈞之獨運幹造  
 化之玄力思六合之同風採孤根而移植播元氣之  
 茂育諒英靈之不測逮乎霜飛天囿風落秦川金莖  
 炫耀於朝日玉樹青葱於霽天我方壺之翠島列靈  
 沼之清漣上鬱松下秀蓀荃翫朱草與屈軼華靈芝

與貞連靈卉畢植而嘉橘在焉水心獨潤金水更鮮  
天漢之華星焜耀閨風之珠樹粲然香若團於野露  
色疑炫於江煙旣而太官獻新奇果列筵飛厥苞之  
自遠何菲陋之莫傳樹隱方塘北丹墀之効實盤映  
皎日與赤瑛而共研東鄙孤臣謬陳三事旣乏和羹  
之用猶霑可口之味并食不割竊愧晏嬰之知捧之  
以拜重感桓榮之賜庶不改於霜雪未酬恩於天地

奉和聖制南郊禮畢詩

磬筦歌大呂冕裘旅天神燒簫簫闐闐闔折穀爲蒸人  
羽旗灑輕雪麥壠含陽春昌運歲今會王猷從此新

三臣皆就日萬國望如雲仁壽信非遠群生方在鈞  
郊壇回輿中書二相公蒙聖慈召至御馬前  
仰感恩遇輒書是詩兼呈二相公

七萃和鑿動三條葆吹回相星環日道蒼馬近龍媒  
古詞世歌馬蒼尺尺天顏接光華喜氣來自慙衰且病無以  
效涓埃

寒食日三殿侍宴奉進詩一首

宛轉龍日節參差燕羽高風光搖禁柳霽色暖宮槐  
春露明僊掌晨霞照  
袍雪疑陳組練林植聳干旄  
廣樂初踰鳳神山欲抃鰲鳴笳朱鷺起疊鼓紫駢豪

象舞嚴金鎧豐歌耀寶刀不勞孫子法自得太公韜

已上四句奉述分席羅玄冕行觴舉縹醪中時落

羽幢末乍升揉瑞景開陰翳薰風散鬱陶天顏歡益

醉臣節 ■ 楛矢方來貢雕弓已載察英威揚絕

漠神筭盡臨洮 已上四句奉述北 赤縣陽和布蒼生

雨露膏野半唯有麥田闢又無高祿秩榮三事功勳

乏一毫寢謀慙汲黯秉羽貴孫敖煖若遊玄圃歡如

享太牢輕生何以報祗自比鴻毛

李文饒文集卷第二十一

李